

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKO VIJEĆE**



**Broj: 01-26/13**  
**Vareš, 29.01.2013.godine**

Na osnovu člana 48. stav 2., 3. i 4. Zakona o pravobranilaštvu („Sl. Novine ZE-DO kantona“ broj 14/08) i člana 22. Statuta Općine Vareš - Prečišćeni tekst broj 01-162/12 od 11.09.2012. godine, Općinsko vijeće Vareš, na 4. sjednici održanoj 29.01.2013. godine, d o n o s i:

## **ODLUKU**

### **o osnivanju Zajedničkog općinskog pravobranilaštva**

#### Član 1.

Osniva se Zajedničko općinsko pravobranilaštvo općina Vareš i Olovo kao poseban organ koji svoju funkciju vrši u skladu s Ustavom, a na osnovu zakona, drugih propisa i općih akata, koji poduzima mjere i pravna sredstva radi pravne zaštite imovine i imovinskih interesa općina Vareš i Olovo.

#### Član 2.

Sjedište Zajedničkog općinskog pravobranilaštva je u Varešu, ulica Zvijezda broj 34.

#### Član 3.

Zajedničko općinsko pravobranilaštvo ima pečat.

Pečat je okruglog oblika, prečnika 50 mm s tekstom sljedećeg sadržaja:

Bosna i Hercegovina, Federacija Bosne i Hercegovine, Zeničko-dobojski kanton,  
Zajedničko općinsko pravobranilaštvo Vareš i Olovo.

#### Član 4.

Zajedničko općinsko pravobranilaštvo obavlja poslove pravne zaštite imovine i imovinskih interesa općina Vareš i Olovo, njihovih organa i tijela koja nemaju svojstvo pravnog lica, a finansiraju se iz budžeta općine.

Zajedničko općinsko pravobranilaštvo pruža stručnu pomoć općinskim organima i organizacijama, javnim preduzećima, privrednim društvima sa udjelom državnog kapitala i drugih pravnih lica u rješavanju imovinsko-pravnih pitanja i daje mišljenje u vezi s zaključivanjem ugovora imovinsko pravne prirode.

**adresa:** Zvijezda 34, 71330 Vareš  
**tel:** 00387 32 848 100  
**fax:** 00387 32 848 150

**depozitni broj:** 3380002210017420  
**web:** www.vares.info  
**e-mail:** vares@bih.net.ba



## Član 5.

Zajedničko općinsko pravobranilaštvo zastupa općinu pred stranim sudovima, arbitražama i drugim stranim državnim organima i organizacijama, ako načelnik općine drugačije ne odluči.

Ako po propisima strane zemlje pravobranilaštvo ne može neposredno zastupati općinu pred njenim sudovima, arbitražama i drugim državnim organima i organizacijama, općinski načelnik će ovlastiti drugo lice koje po propisima strane zemlje može da ga zamjenjuje u zastupanju.

## Član 6.

Zajedničko općinsko pravobranilaštvo poduzima pravne radnje i pravna sredstva radi zaštite vlasništva i interesa općine, pred sudovima i drugim nadležnim organima, kao i u drugim slučajevima zaštite vlasništva općine, kada je za to ovlašteno zakonom.

U vršenju pravnih radnji i pravnih sredstava iz stava 1. ovog člana, kao i u drugim slučajevima kada je na to ovlašteno zakonom, pravobranilaštvo ima položaj i prava stranke u postupku.

## Član 7.

Funkciju Zajedničkog općinskog pravobranilaštva vrši jedan zajednički općinski pravobranilac ili njegov zamjenik.

Zajedničko općinsko pravobranilaštvo ima jednog zamjenika i viši samostalni referent.

Zajedničkog općinskog pravobranioca za područje općina Vareš i Olovo imenuju i smjenjuju Općinska vijeća Općina Vareš i Olovo na sporazumni prijedlog općinskih načelnika općina Vareš i Olovo, a u skladu sa Zakonom o ministarskim, vladinim i drugim imenovanjima Federacije BiH („Sl. novine FBiH“ broj 12/3 i 34/03).

## Član 8.

Općinska vijeća općina Vareš i Olovo sporazumno utvrđuju iznos potrebnih budžetskih sredstava za rad zajedničkog pravobranilaštva.

Visina sredstava s kojima će svaka općina sudjelovati u finansiranju bruto plaće i naknada pravobranioca i zamjenika utvrđuje se pismenim sporazumom, a svaka Općina snosi materijalne troškove zavisno od utroška materijala.

Obaveze iz stava 1. i 2. ovog člana će se pobliže urediti pismenim sporazumom između općinskih načelnika.

## Član 9.

Unutrašnju organizaciju Zajedničkog općinskog pravobranilaštva utvrditi će Zajednički pravobranilac ili zamjenik Pravilnikom o unutrašnjoj organizaciji Zajedničkog pravobranilaštva, uz prethodnu saglasnost načelnika općina Vareš i Olovo, u roku od 30 dana od dana početka rada Zajedničkog pravobranilaštva i zajedničkog pravobranioca.

Član 10.

Na radne odnose službenika i namještenika Zajedničkog općinskog pravobranilaštva primjenjuju se: Zakon o pravobranilaštvu Zeničko-dobojskog kantona, Zakon o državnoj službi Federacije BiH, Zakon o namještenicima Federacije Bosne i Hercegovine i opći propisi o radu.

Član 11.

Zajedničko općinsko pravobranilaštvo počeo je s radom od 01.02.2013. godine, a nakon stupanja na snagu Odluke o osnivanju zajedničkog općinskog pravobranilaštva.

Član 12.

Ova odluka stupa na snagu danom objavljivanja na oglasnoj tabli Općine Vareš.

**PREDSJEDAVAJUĆI  
OPĆINSKOG VIJEĆA VAREŠ**

**Zdravko Marošević**

Odluka objavljena na oglasnoj tabli Općine Vareš 30.01.2013. godine.

**OPĆINSKI NAČELNIK**

**Kovačević Avdija, dipl. pravnik**

**O b r a z l o ž e n j e**  
**Odluke o osnivanju Zajedničkog općinskog pravobranilaštva**

**1. Pravni osnov**

Pravni osnov za donošenje Odluke o osnivanju Zajedničkog općinskog pravobranilaštva sadržan je u odredbama člana 48. zakona o pravobranilaštvu Zeničko- dobojskog kantona, gdje je u stavu 3. propisano da dva ili više općinskih vijeća mogu odlukama osnovati zajedničko pravobranilaštvo, te stav 4. gdje je propisano da se takvom Odlukom posebno utvrđuje: sjedište pravobranilaštva, način osiguranja sredstava za njegov rad, broj zamjenika općinskog pravobranioca i dan početka rada.

**2. Razlozi za donošenje**

Na inicijativu načelnika općine Olovo i u dogovoru sa njim, a obzirom na prijašnju praksu i imajući u vidu prethodna pozitivna iskustva u saradnji između naše dvije općine, odnosno pozitivna iskustva u vođenju zajedničkog općinskog pravobranilaštva (period od 2008.-2011. godine.), vijeću na usvajanje se podnosi ova odluka. Evidentno je da postoji i potreba za užom saradnjom između općina Vareš i Olovo. Nesporno je i da ove dvije općine imaju mnogo zajedničkih interesa, a koji bi se na adekvatniji način mogli ostvariti kroz funkciju zajedničkog općinskog pravobranilaštva.

**3. Finansijska sredstva**

Za realizaciju ove Odluke nisu potrebna nikakva dodatna finansijska sredstva.

Predlažem da Općinsko vijeće Vareš usvoji ovu odluku u navedenom tekstu.

**OPĆINSKI NAČELNIK**

**Kovačević Avdija, dipl. pravnik**